



Inatsisartunut ilaasortaq  
Kristian Jeremiassen  
Siumut

-/maani

### § 37 290 Qasigianguani nakorsanit sullinneqarneq

Qasigianguani nakorsanit sullinneqarneq pillugu § 37 naapertorlugu apeqqtinut akissutit:

Qasigianguani nakorsanit sullinneqarneq pillugu apeqqtinnut qujavunga. Akissutit apeqqtit tulliiniipput.

#### 1. Qasigianguani innuttaasut Aasiat peqqinnissaqarfianut nalunaaqutaq sisamap kingorna sianertarnerat atorunnaarsissinnarlungu Qasigianguani peqqissaavimmut saaffinginnittoqartalernissaa pilersaarutaava?

2011-mi aasakkulli Qasigianguani innuttaasut nalinginnaasumik suliffiup avataatigut Aasianni nunap immikkoortuani napparsimmavimmut saaffinginnittartussaalersimapput. Aaqqissuussineq eqqunneqarmat piffissaq ullut tamaasa nal. 23-08 pineqarpoq. Aaqqissuussineq eqqartorneqartoq 15. maj 2012 atuutilertumik annertusineqarpoq nal. 16-08-mut.

Oqarasuaat Peqqissaaviup isaariaata eqqaanut inissinneqarsimavoq kikkulluunniit namminneq oqarasuaateqanngikkaluarunilluunniit peqqinnissaqarfimmut saaffinginnissinnaanissaat qulakkeerniarlugu. Maannakkorpiaq misissorneqarpoq oqarasuaat ajoquteqarnersoq.

Aaqqissuussinerup nutaap Qasigianguani peqqinnissaqarfimmi upalungaarsimaneq ajorseriartissimangilaa. Nakorsaq peqqissaasorlu suli upalungaarsimasuupput piffissami siornatigutut. Aaqqissuussinerup piffissap nalinginnaasumik suliffiup iluani peqqissaanermik sulialinnik sulisoqarneq pitsaanerulersissagaa naatsorsuutigineqarpoq, tamatumalu kingunerisussaavaa aningaasat atugassarititaasut atorlugit annertunerusumik peqqissaaneq.

Taamaalilluni piffissami nal. 16-08 Aasianni napparsimmavimmut oqarasuaatikkut saaffinginnittussaaneq ukiup affaani ingerlareerpoq, maannangaarlu takuneqarsinnaavoq piffissap nalinginnaasumik suliffiup avataatigut Qasigianguani peqqissaasumik aggettisarneq annikilleriarsimasoq. Maannalu aaqqissuussinermi misilittagaalersimasut naapertorlugit nalilersuisoqarpoq.

#### 2. Maannamut misilittakkat suut pitsaaqutingisimavaat ajoqutingisimavaallu Aasiaat Peqqinnissaqarfianut sianeqqaarluta nakorsamik ikiorneqarsinnaaneq?

Apeqqummut 1-imut akissutit takukkit.

17-12-2012  
Sags nr. 2012-078209  
Dok. nr. 1090163

Postboks 1160  
Tlf: 34 50 00  
Fax: 32 55 05  
3900 Nuuk  
Email: pn@nanoq.gl  
www.nanoq.gl

**3. Naalackersuisut isumaqarpat Qasigianguani innuttaasunut toqqissisimanartuusoq peqqinnissaqarfikkut sisamap kingorna innuttaasut taamatut sullinneqamerat?**

Apeqqummut 1-imut akissutini eqqartorneqartutut peqqinnissaqarfiup attaveqarfigineqarsinnaaneranut periarfissat naapertorlugit piffissap nal. 16:00-ip aamma 08:00-p akornanni peqqinnissaqarfimmit innuttaasut ikiorneqarsinnaanerannut periarfissat toqqissisimanartutut nalilernerqarput. Aammattaaq oqaatigineqassaaq 2012-imi majip qiteqqunnerani aaqqissuussinerup eqqunneqarnerata kingorna Qasigianguani Qeqertarsuarmilu innuttaasunit aaqqissuussineq pillugu maalaarutinik Nunap immikkoortuani aqutsisut tigusaqarsimanngitsut.

Inussiarnersumik inuulluaqqusillunga



Agathe Fontain